

武林掌故叢編

劉國禮寓 楊萬里劉國禮傳云余故人劉琥字國
禮武臣也余在朝列國禮調臨安府寨官居閒無
以自食家于湖州新市久之臨安官期既至國禮
之官適與余並舍並居一年余以守臨漳去不能
爲國禮留也

宋器之寓 在西馬塍見馬塍稿其寓西馬塍詩注
云嘉熙丁酉五月寓京遭熱僑房西馬塍

朱伯仁寓西馬塍 十畝荒林屋數閒門通小艇水
灣環人行遠路多嫌僻我得安居卻稱閒樽酒相
忘霜後菊一時難盡雨中山何時脫下浮名事只

與田翁賸往還 考器之名伯仁茗川詩人著有

雪巖集馬塍稿

呂伯可寓 在西馬塍伯可馬塍花窠詩註云寓居
臨安馬塍作

呂午馬塍花窠 老子西塍住今踰十載期栽花成
茂樹種柳長高枝移接從渠巧傳誇到處知擔頭
挑買去一一是趨時 考伯可名午歙縣人嘉定
進士官至起居史院著竹坡類稿

趙振文寓 在城北廂按咸淳臨安志城北廂廳在
北關外近西馬塍

葉適詩趙振文在城北廂兩月無日不遊馬塍作歌
美之請知振文者同賦 馬塍東西花十里錦雲
繡霧參差起長安大車喧廣陌問以馬塍云未識
酴醾縹籬金沙墻薜荔樓閣山茶房高花何啻千
金值著價不到宜深藏青鞵翩翩烏鶴袖嚴房引
前金蔣後隨園摘蕊煎凍酥小介移牀獻春酒陳
通苗傳昔弄兵此地寂寞狐狸行聖人有道賁草
木我輩栽花樂太平知君已在茗水住盡日櫓聲
搖上渚無際滄波蓼自分有情緣浦鷗偏聚追逐
風光天_河許拋擲身世人應怒君不見南宮載寶

回何如趙子穿花去

周益公寓 在石灰橋益公省齋稿送光祿寺承德
遠請春詞詩有長安城中初結綬石灰橋畔還卜
鄰之句 考石灰橋卽范石湖寓處今觀益公詩
李德遠與益公先同寓于此知當日此地必多官
寓也

廉布寓 在吳山下揮塵後錄廉宣仲布建炎初自
山陽避寇南來攜鉅萬至臨安寓居吳山下陳通
等亂悉爲劫掠不遺一簪 考湯屋畫鑑廉布畫
枯木叢竹奇石清致不俗本學東坡青出于藍自

號射澤老人畫松柏亦奇杭州龍井板壁畫松石
古木二真得意筆也

王明清寓 在七寶山王明清著有揮麈錄其第三
錄自序云明清廁跡蹕路假居臨安之七寶山俯
仰顧盼聚山林江湖之勝于几案間

朱子寓 在靈芝寺四朝聞見錄慶元二年韓侂胄
逐趙忠定遂禁僞學朱文公去國寓居西湖靈芝
寺平江木川李杞獨叩請得窮理之學有紫陽傳
授行于世按古跡考後人榜曰紫陽寓居

周昭禮寓 在清波門南兩浙名賢錄云輝字昭禮

淮海人南渡後寓居清波門南著清波雜誌十四卷考煇清波雜誌舊本張序作煇邦禮之子麟昭之族姪也其清波別志云煇祖居在後洋街第宅燬于陳通之亂今韓蘄王府其地也

鄭起水南半隱 在長橋起字叔起原名震號鞠山翁連江人所南其子也宋淳祐閒居西湖構室于長橋曰水南半隱詳見心史

鄭起卜居 久欲謀歸力不任浮雲踪跡漫巢林功名未入屠龍手貧賤常懷買鶴心月下開門微雨過樓頭聞笛二更深世閒萬事俱陳迹空倚西風

閱古今

杜北山宅 在麴院北山名汝能字叔謙太后諸孫
居西湖之麴院有能詩聲

杜汝能秋日 寂寥籬戶入泉聲不見山容亦自清
數日雨晴秋草長絲瓜沿上瓦墻生

雲麓漫鈔云杜北山居錢塘之麴院博學工
詩有聲一日賓客咸集共賦湖上鴛鴦北山
得句云閑立綠楊影交眠紅藕花坐客皆爲
閣筆

周彌寄杜北山 一曲小湖濱幽居不厭貧坐容禪

子憇家就麴生鄰檐竹侵燈亂籬花落竈頻幾時
吟得句寄與豫章人

金淵書堂 在積慶武林舊事樞密金淵號冰壑常
作書堂積慶永清二山右挹平鼎山在左湖山在
前乃南北二峯之中最高一山理宗御書積慶山
怡顏藏書閣農圃等事以賜之

金一之蓀壁山房 在積慶山巔一之名應桂號蓀
壁又號積慶山人錢塘人佩楚軒客談云一之雅
標度能歐書受知賈似道晚居西湖作蓀壁山房
考癸辛續志云西湖四聖觀每至昏後有一燈

浮水其色青紅金一之所居在積慶山每夕觀之
無所差凡看二十餘年矣

考周密與一之同時一之又號積慶山人其居當
屬積慶山無疑舊志云在風篁嶺蓋因李彭老蓀
壁山房詞有石逕埋雲風篁嘯晚翠微高處幽居
之句不知風篁與積慶相鄰彭老亦非專指風篁
也金淵與一之皆居是山應是一家族姓淵卒後
一之卽其書堂改築山房亦未可知附載俟考

仇遠贈金蓀壁 黃紙紅旗事已休莫思入谷有鳴
騶天開東壁圖書府人立西湖煙雨樓林淺易尋

和靖隱菊荒空憶魏公遊客來把玩新題扇半似
鍾繇半似歐

胡月山吟屋 在蘇堤

陳允平題胡月山吟屋 蘇公堤上路日日課新吟
流水行花影斜陽臥柳陰斷橋春聽樂矮屋夜鳴
琴皎皎山門月如君一片心

葉紹翁東菴 在錢塘門外九曲城邊紹翁字嗣宗
號靖逸建安人博學工詩嘗居錢塘卜隱西湖之
濱與葛無懷相唱和著有靖逸小集

葉紹翁自題寓居 雲補青山缺琴消白日長鷗從

雨外沒蛇入樹閒藏客久衣常黑童蠻髮半黃塋
多鄰舍少此意自淒涼無酒難留客借書方入
城洗衣知水落貪睡畏窗明野竹藤纏殺枯枝草
寄生十年林下隱差覺世緣輕

周瑞臣題葉靖逸東庵一庵自隱古城邊不是山
林不市廛落月半窗霜滿屋臥聽宰相去朝天詩

見宋藝圃集

黃順之送葉靖逸山高積雪明歲序冉以畢佳人
抱書去西湖失顏色清夜獨慷慨詩壇夢生棘我
有雙鯉魚對之不敢食

紹翁西湖秋晚 愛山不買城中地畏客長檣屋後
船荷葉無多秋事晚又隨鷗鷺過殘年

紹翁幽居書事 窗開雙佛塔水繞數漁家酒贖
鄰里時平買釣車童閒惟伴鶴樹老自成查枕上
關心事侵晨掃落花

許棐贈葉靖逸 借我城居一丈寬五車書向腹中
安聲華馥似當風桂氣味清于著露蘭朝士時將
餘俸贈鋪家傳得近詩刊回看舊隱西湖上誰伴
沙鷗度歲寒 考九曲城去菩提院不遠此地爲
南宋火葬之所貴家甚多故自題詩有坐多鄰舍

少之句瑞臣詩亦云一菴自隱古城邊至宰相朝天蓋指賈秋壑而言緣九曲城在昭慶寺近葛嶺故也據此則東菴當在九曲城邊無疑

羅公升滄州集菩提寺詩一畝方塘幾劫灰
哭聲未了笑聲催六橋烟柳相逢處半是菩
提拭淚來公自注寺爲臨安人火葬之地在
錢塘門外今廢 雍正癸卯張東抹偕厲樊
榭石貞石登雲居山憩上方僧舍見磨厓一
石僅尺許老僧云此碑三十年前還有臥聽
宰相去朝天周瑞臣題十一字未盡剝落據

此則上方菴舊名東菴矣而古蹟攷以爲在
九曲城邊恐謬

葛無懷居 在葛嶺無懷名天民始爲僧名義銛號
璞翁後返初服居西湖上有姬二人一名如夢一
名如幻詳見癸辛雜志據周文璞詩其居當近葛
翁丹井

趙師秀題葛翁小閣 樹色對疎櫺橫陳一片清微
風楊柳下斜日竹稍明此老無塵事雙姝亦道情
客來憐素壁題句不題名

葉紹翁題葛無懷隱居 種竹成新列移蘭卽舊陰

老鐙猶有耳古柳已無心得句添杯滿貪鑪到夜
深篝燈聊點校春水沒衣砧

用文璞過葛天民新居 爲憶空山雨因嗟短髮霜
幅巾終日仄侍女古時妝烏柏殘林外丹砂舊井
旁不留禪月盡只據淨明牀湖鏡秋容淡雲莊晚
露香汲泉須透脈種栗便成行使鶴過村店攜孥
上野航極知秦外叟全似賀知章對佛稱居士翻
經誤法王自將詩檢校猶與竹商量嗟我渾無賴
非公不作狂莫移松下石老子要乘涼

葛天民自題小隱 水拍荒籬外山攢落照邊稚鴉

乘犢去鳴鴨伴鷗眠思淡秋雲薄情高隴月圓武
陵知避世初不爲求仙

辭師石贈葛天民 逃禪已得計易姓豈云非自說
身如幻常人見亦稀亭邊看荷葉樓上掛蓑衣幾
夜蘇堤月隨君瘦影歸

葉紹翁賦寫天民栽葦 葉礙漁舟入叢分水閣寬
低徊藏鷺渚彷彿釣魚竿蕩戶和萍送溪翁當竹
看所憐如許節不耐雪霜寒

姜石帚寓 在水磨頭石帚名夔字堯章號白石道
人嘗館于水磨方氏按水磨頭游覽志稱爲小溜